



## Saksframlegg

Saksnr:	Utval:	Dato
	Teknisk utval	

Sakshandsamar:	Teknisk, miljø og landbruk	Ottar Myrtveit
Avgjerslemynde:	Arkivnr.: 18/251	Klassering:

### Søknad om tilskot frå fiskefondet - Arbeid langs Frøysetelva

Rådmannen sitt framlegg til vedtak:

Masfjorden kommune ved Teknisk utval viser til mottatt søknad frå Sameiget Frøyset grunneigarlag, og løyver inntil 100.000,- eks mva, frå fiskefondet. Totalkostnad er kr:285.523,-

Teknisk utval viser til arealdelen til kommuneplanen og plan – og bygningslova § 1-8 Forbud mot tiltak mv. langs sjø og vassdrag og godkjenner søknad om vedlikehald/reperasjon av fiskesti, bru og restaurering av klekkeri langs Frøysetelva.

Grunngjeving: Søknaden er etter §4 i retningslinjene for fiskefondet innan målgruppa og ein stettar §1 føremålet med betre tilrettelegging for fiske. Til investeringar kan det utbetalast eit forskot på inntil 75% når tilsvarande del av tiltaket er fullført. Dei siste 25% vert utbetalt når krava i vedtaket er oppfylt (rekneskap, sluttrapport, ferdigattast m.m.) jfr §8. Sluttutbetaling etter synfaring av Masfjorden kommune. Arbeidsfristen vert 3 år til: 01.09. 2023.

Omsøkt tiltak gjeld:

1. Fullføring av arbeidet med å utbetra stien Osebrua – Vetestøa 526m
2. Ferdig sti, elvebakkane 59m
3. Bru ved Kjærdalselva
4. Elvesikring ved Natebotn 35m
5. Restaurering av klekkeri 1938 – planarbeid
6. Dugnad/synfaringskostnad

Vedlikehald og opprusting av eksisterande fiskesti langs Frøysetvassdraget med bru og sikring samt restaurering av klekkeri kan ikkje administrasjonen sjå er i konflikt med viktige arealinteresser, helse, miljø, tryggleik, tilgjenge eller landskapskvalitetar. Ein kan heller ikkje sjå at å dispensera frå arealdelen til kommuneplanen på denne staden, vil medføre uheldige følgjer i høve til medverknad eller andre interesser. I tilsvarande søknad frå 2018 fann administrasjonen at føremonene ved å gje dispensasjon var klart større enn ulempene ved omsøkt tiltak, spesielt fordi ein dispensasjon ikkje vil ha særlege konsekvensar for verdiar som vassdragsvernet er meint å ta vare på. Det vert vist vassressurslova av 24.11.2000 § 1 og § 11. *Langs bredden av vassdrag med årssikker vannføring skal det opprettholdes et begrenset naturlig vegetasjonsbelte som motvirker avrenning og gir levested for planter og dyr .*

## Saksopplysningar:

### Bakgrunn

Sameiget Frøyset Gruneigarlag (SFG) søkjar fiskefondet om: **100.000,-** frå fiskefondet. **Totalkostnad er kr: 285.523,-** For å henvisa til rett tiltak vert søknaden delt opp i 6 delprosjekt. Mykje er likt med tidlegare søknad frå 2018 som omfatta: opprusting av fiskesti inndelt i fleire delar med ei samla lengde på 1224m, samt utbetring av fiskeplass med mulighet for tilkomst for rullestolbrukarar. Frøyset Grunneigarlag har basert alt sitt arbeid på dugnad sidan oppstarten i 1986. Som det går fram av søknaden skriv ein mellom anna:

*SFG har drive med tilrettelegging for fiske i anadrom del av Frøysetelva i den mest brukte delen frå utløp i sjø til Sleirsvatnet sitt utløp. Planen er opprusting av den gamle ferdselvegen frå Frøyset mot Sleire. Ved å rusta opp denne stien vert den teken vare på samt at den fungerer betre som fiskesti. Då det har gått en del år sidan stien langs elva vart vedlikehalden er det no hehov for eit større løft. Ein syner til tidlegare sak: 18/251, med søknad om tilskot frå fiskefondet. Total Kostnad prosjekt: 1,2 og 3. kr 201 678,-. Prosjekt 1-3 er synfart av kommunen*

Søknaden som bestod av 4 prosjekt er ferdig unnateke prosjekt 4 som er: Oppgradering av gamal sti 480m. Her syner ein til: TU – vedtak i saka:

Denne nye søknaden med 6 nye tiltak er å rekna som ei naturleg vidareføring av desse tiltaka som til saman utgjør eit samanhengande stort område med tilrettelegging for elvefiske i Frøysetelva.

### Høyring

Sak 18/251, vart sendt på høyring til NVE og Fylkesmannen i Hordaland den 26.04.2018. Emne: VS: 18/2017 Søknad om tilskot frå fiskefondet. Som kjent er dette eit verna vassdrag som vert kalka og overvaka av kommunen. Betre tilrettelegging for fiske er noko kommunen ynskjer sterkt, då me har eit fiskefond som kan nyttast til gode tiltak. NVE og Fylkesmannens miljøvernavdeling var på synfaring 14.05.2018

NVE hadde ikkje merknader til tiltaket då det syner seg at det ikkje vil auka faren for erosjon. Miljøvernavdelinga syner til kantvegetasjonen langs vassdrag og vatn som har eit særleg vern etter vassressurslova av 24.11.2000 § 1 og § 11. Den vanlege vegetasjonen langs vassdrag skal motverke vassavrenning og gi ein levestad for plantar og dyr. Under synfaringa forklarar grunneigarane godt at hensynet til kantvegetasjonen har ein hatt særleg fokus på, og ein har berre føreteke ei lett rydding og så lite som mogeleg for at ein skal kunna utføra planlagt arbeid, samt at det skal vera mulig med

fiske på visse plassar langs elva og ikkje heile vegen. Gamle røter frå spesielt grantrær er med på å armera og sikra elvesidenene mot erosjon. Grunneigarane har her synt stor forståing av lowverket og det minimum av rydding som er utført er eit godt eksempel på ei god tilpassing. Tiltaket er ikkje i strid med kommuneplan då det her vert gjeve dispensasjon for omsøkt tiltak langs vassdraget. Kommuneplanen omtalar vassresurslova som har som føremål å sikre ein samfunnsmessig forsvarleg bruk og forvaltning av vassdrag og grunnvatn. Vassdragstiltak skal planleggast og gjennomførast slik at dei er til minst mogeleg skade og ulempe for private og ålmenne interesser. Utover dette syner ein til Forskrift om rikspolitiske retningslinjer for verna vassdrag. *Virksomhet som har sammenheng med landbruk, natur og friluftsliv reguleres av sektorlovgivningen, herunder jordloven, skogbruksloven, naturvernloven og friluftslivloven. I de fleste tilfeller vil det ikke være konflikt mellom landbruks-, natur- og friluftslivinteresser.* Ein kan ikkje sjå at tiltaket er i konflikt med nemnde lovgiving. Under nemnde synfaring vart heile området vurdert og kommunen finn det ikkje turvande med noko ny høyring eller synfaring i samband med denne søknaden.

## **Fakta**

Frøysetvassdraget er eit verna vassdrag (1986) som også er med i kalkingsprogrammet til direktoratet. Masfjorden kommune driftar kalkdoseraren ved Ostavatn som syter for ein konstant pH ved Frøyset på  $> 6,4$  frå: 15.03 – 01-07 (i smoltifiseringsperioden om våren/forsumaren)  $\text{pH} > 6,0$  frå 01.07 – 01.12 og  $> 6,2$  frå 01.12 – 15.03. Det vert nytta ein god del midlar i dette vassdraget nedstrøms doserar for å få optimale forhold for anadrom fisk. Etter at kalkinga tok til i 1991 har pH gitt gode gyteforhold og spesielt etter 2014 når ny kalkstasjon vart bygd har ein god kontroll og overvaking på denne delen av vassdraget. Difor er det positivt med tiltak som tilrettelegg betre for fiske. Skal ein forsetja med dugnadsarbeid langs vassdraget samt gjera Frøysetelva meir attraktiv ser ein at det krevst tiltak som omsøkt. SFG sin første søknad vart delt inn slik:

1. Fiskeplass ved Frøyset bru
2. Utbetring av sti Frøyset – Svartehølen 497m, sjå rekneark nr 1 - 208m, nr 2 - 233m, nr3 - 56m
3. Osen ca 100m steinpåfylling og grusing
4. Oppgradering av gamal sti 480m.

## **Denne nye søknaden vert delt opp slik:**

- 1. Fullføring av arbeidet med å utbetra stien Osebrua – Vetestøa 526m**
- 2. Ferdig sti, elvebakkane 59m**
- 3. Bru ved Kjærdalselva**
- 4. Elvesikring ved Natebotn 35m**
- 5. Restaurering av klekkeri frå 1938 – planarbeid**
- 6. Dugnad/synfaringskostnad**

Det er ynskjeleg med gode tiltak i vassdraget, så tilrettelegging for stangfiske for laks og sjøaure vert sett på som positivt. Fiskefondet tildeler midlar ut i frå søknadsfristar med hhv. 15.april og 15.september. Søknaden til fiskefondet er datert 09.08.2020 og vert teken opp i TU 10.11.2020.

Fiskefondet har fått nye retningslinjer og ein syner til § 7 Administrasjon og forvaltning. Fiskefondet vert handsama av rådmannen med framlegging av sak til TU for sum inntil 100.000,- for søknader og tilskot over denne summen (100.000,-), skal TU gi innstilling og formannskapet som fattar vedtak.

Søknaden omhandlar ei vidareføring av stien, **Osebrua – Vetestøa 526m**, ny **bru ved Kjærdalselva** av 5 betongelement, **35m elvesikring ved Natebotn** og **restaurering av det gamle klekkeriet frå 1938**. Her er rekna **52 timar dugnad/synfaring** som siste delprosjekt. Stiane (delprosjekt 1 og 2) skal byggjast opp med stein/pukk og grusast med veggrus 0-32 i ei breidd på ca 1,0m. Søknaden har ingen snitt eller detaljar om utføringa, men på synfaringa 07.05.2018 der Roald Kvingedal og Ottar Myrtveit saman med grunneigarane Terje Daae, Bjørn Nordvang og Olav Ørjan Daae vart desse punkta forklart og synt på staden. Alt arbeid som er utført er på dugnad, men grunna dei store stein/grusmassane som no skal ut, ser ein at her også leigar ansvarleg firma som tek jobben.

### **Synfaring:**

Ein finn ikkje grunn for ny synfaring. På synfaringa i 2018 forklarte grunneigarane godt at hensynet til kantvegetasjonen har ein hatt særleg fokus på, og ein har berre føreteke ei lett rydding og så lite som mogeleg for at ein skal kunna utføra planlagt arbeid, samt at det skal vera mulig med fiske på visse plassar langs elva og ikkje heile vegen. Gamle røter frå spesielt grantrær er med på å armera og sikra elvesidenene mot erosjon. Grunneigarane har her synt stor forståing av lovverket og det minimum av rydding som er utført er eit godt eksempel på ei god tilpassing. Tiltaket er ikkje i strid med kommuneplan då det vart gjeve dispensasjon for omsøkt tiltak langs vassdraget. Kommuneplanen omtalar vassressurslova som har som føremål å sikre ein samfunnsmessig forsvarleg bruk og forvaltning av vassdrag og grunnvatn. Vassdragstiltak skal planleggast og gjennomførast slik at dei er til minst mogeleg skade og ulempe for private og ålmenne interesser.

Utover dette syner ein til Forskrift om rikspolitiske retningslinjer for verna vassdrag. *Virksomhet som har sammenheng med landbruk, natur og friluftsliv reguleres av sektorlovgivningen, herunder jordloven, skogbruksloven, naturvernloven og friluftsløven. I dei fleste tilfeller vil det ikke være konflikt mellom landbruks-, natur- og friluftslivinteresser.* Ein kan ikkje sjå at tiltaket er i konflikt med nemnde lovgiving.

### **Planstatus:**

Omsøkt tiltak ligg i kommuneplanen arealdel som LNF - området og innafor § 1-8 plan og bygningslova § 1-8. Forbud mot tiltak mv. langs sjø og vassdrag. Vassressurslova av 24.11.2000 § 1 og § 11.

*§ 19-2. Dispensasjonsvedtaket. Kommunen kan gi varig eller midlertidig dispensasjon fra bestemmelser fastsatt i eller i medhold av denne lov. Det kan settes vilkår for dispensasjonen. Dispensasjon kan ikke gis dersom hensynene bak bestemmelsen det dispenseres fra, eller hensynene i lovens formålsbestemmelse, blir vesentlig tilsidesatt. I tillegg må fordelene ved å gi dispensasjon være klart større enn ulempene etter en samlet vurdering. Det kan ikke dispenseres fra saksbehandlingsregler. Omsøkt tiltak vert liggjande innafor området § 1-8 i plan og bygningslova, i §*

*1-8 står det: § 1-8. Forbud mot tiltak mv. langs sjø og vassdrag I 100-metersbeltet langs sjøen og langs vassdrag skal det tas særlig hensyn til natur- og kulturmiljø, friluftsliv, landskap og andre allmenne interesser. Forbudet etter andre ledd gjelder så langt ikke annen byggegrenselse er fastsatt i kommuneplanens arealdel eller reguleringsplan, jf. §§ 11-9 nr. 5 og 12-7 nr. 2. Forbudet etter andre ledd gjelder ikke der kommunen i kommuneplanens arealdel har tillatt oppføring av nødvendige bygninger, mindre anlegg og opplag som skal tjene til landbruk.*

## **Vurdering**

Heile tiltaket ligg i LNF område samt er med blant regionalt viktige områder for friluftsliv nr: 1266-9, og registrert der med særlege kvalitetar. Utløpet av Frøysetelva er også registrert som strandeng i naturtypekartlegginga i 2003. Naturmangfaldslova §§8-12 er også vurdert og presentert for grunneigarane på synfaringa i 2018. Ein ser ikkje at den samla belastninga her sjølv med omsøkt utviding skal tilseia endringar for vedtaket. Tiltaket er primært for fiske og friluftsliv så ålmenta vil kunna nytta stien på ein heilt anna måte enn før. Mange våte parti er og vert utbetra og heile traseen følgjer den gamle ferselsåra og den er godt tilpassa terrenget.

## **Konklusjon**

Masfjorden kommune ved Teknisk utval viset til arealdelen til kommuneplanen og plan – og bygningslova § 1-8 Forbud mot tiltak mv. langs sjø og vassdrag og godkjenner søknaden med 6 delprosjekt- vedlikehald/reperasjon av fiskesti langs Frøysetelva.

Fiskefondet løyver **inntil 100.000,-** eks mva, til Sameiget Frøyset grunneigarlag (SFG).

### **Vedlagte saksdokument:**

FG. Søknad fiskefond 2020 (160272)	83329	09.09.2020
Osebruna Vetestøa 3.Kostnad (160273)	83330	09.09.2020
IMG_1198 (160279)	83331	09.09.2020
Kart sti og elvesikring nateboth (160277)	83335	09.09.2020
Kart Sti Osebruna til Dalset 526 meter (160275)	83336	09.09.2020
Retningslinjer for bruk og forvaltning av kommunalt fiskef (L)(54069)	83346	09.09.2020

